

मना भाई खुद सुधर जा पेली,
ओरा ने उपदेश सुनावे,
यूँ नही मुक्ति हेली ॥

ज्ञानी बण महा शान बतावे,
राम सुमिर लो डेली,
खुद माला तृष्णा की फेरे,
या कई बात जमेली ।
मना भाई खुद सुधार जा पेली,
ओरा ने उपदेश सुनावे,
यूँ नही मुक्ति हेली ॥

खुद बेठो कर्मा का कीचड़ में,
करता छेली उछेली,
दुजा ने राय साबुन की देवे,
खुद की चादर मेली ।
मना भाई खुद सुधार जा पेली,
ओरा ने उपदेश सुनावे,
यूँ नही मुक्ति हेली ॥

दौड़ दौड़ धन माल कमावे,
ऊँची चुणा दी हेली,
दुजा ने केवे धन दौलत,
माया अटी रेवेली ।

मना भई खुद सुधार जा पेली,
ओरा ने उपदेश सुनावे,
यूँ नही मुक्ति हेली ॥

बण सौदागर बिणज करे,
मुंडे चेला चेली,
काण कसर थारी नही निकली,
वांकी कई निकलेली ।
मना भई खुद सुधार जा पेली,
ओरा ने उपदेश सुनावे,
यूँ नही मुक्ति हेली ॥

बुद्धपुरी जी गुरुदेव भीम जी,
शरण गुरां की लेली,
भेर्या गाडरी पंड सुधारियो,
संगत छोड़ दी गेली ।
मना भई खुद सुधार जा पेली,
ओरा ने उपदेश सुनावे,
यूँ नही मुक्ति हेली ॥

मना भाई खुद सुधर जा पेली,
ओरा ने उपदेश सुनावे,
यूँ नही मुक्ति हेली ॥

गायक / प्रेषक चम्पा लाल प्रजापति ।
89479-15979



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>